

成方切用

吳氏醫學述第四種成方切用目錄

卷十一上

嬰孩門

正方四十九
附方五

初生拭口法

甘草下胎毒法

豬乳法

襁褓

法乳哺法

乳兒法

哺兒法

雜將護法

柴歸飲

升麻葛根湯

方見表
散門

疏邪飲

柴葛

參蘇

飲

方見表
裏門

惺惺散

透邪煎

麻黃湯

方見表
散門

加

味葛根湯

紅花湯

五味異功散

桔梗湯

羌活透肌湯

透肌

散紫草化毒湯

搜毒煎

涼血養營煎

甘

桔湯

方見瀉火門

消毒飲

加味如聖散

前胡化斑

湯

活血散

犀角地黃湯

方見理血門

四順清涼飲

黃連解毒湯

方見瀉火門

人參白虎湯

方見瀉火門

七正

散

加味導赤散

辰砂益元散

方見消暑門退火回生散

當

歸黃連湯

保元湯

十二味異功散

九味異

功煎

六物煎

六氣煎

白朮茯苓澤瀉湯

補中益氣湯

方見治氣門

四物湯

方見理血門

當歸活血湯

內托散

八珍湯

方見治氣門

附子理中湯

方見祛寒門

十全大補湯

方見治氣門

止痛活血散

痧證初起方

吳氏醫學述第四種

武原吳儀洛遵程輯

門人

周蘭丸生庭同較
殷豫龍浩如

成方切用

嬰孩門

小兒之病與大人無異。惟初生保護及痘疹等證。不得不另集方法。以便

施用。世俗所謂驚風。卽四時感冒也。方中行。經書喻嘉言。寓意草中。論之最詳。當從傷寒門。循經救治。切不可用抱龍丸。鎮驚丸。等金石藥。鎮墜外邪。深入臟腑。爲害不淺。

初生拭口法

嬰兒初生。急以綿裹指。拭兒口中

舌上惡血穢露。調之玉銜。若啼聲一發。卽入腹

成百病

薛氏曰。嬰兒初生。口含血塊。啼聲一出。隨卽嚥下。而毒伏于命門。遇天行時氣。

久熱。或飲食停滯。或外感風寒。發熱等因。發爲瘡疹。急須於未啼時。用軟帛裹指。搯去其血。雖出痘亦輕矣。

又看舌下。若連舌有膜如石榴子。若

啼不出聲。不轉速以指爪摘斷之。或用葦刀子

割之。微有血出卽活。若舌下血出多者。以亂

髮燒灰。同豬脂少許和塗之。

聖惠云。看齒根有黃筋兩條。以葦刀

割斷。點豬乳佳。如兒口難開。先點豬乳。

甘草下胎毒法

用粉甘草中指一節拍碎。以水

二蜆殼煎一蜆殼。以綿纏蘸。令兒吮之。若吐出

惡汁爲佳。若服一蜺殼不吐，卽不須更服。不問

嬰兒虛實寒熱，皆須服之。心鑑曰：古方書言嬰

朱砂白蜜黃連牛黃欲下胎毒，今人率承用之。

不知今人稟受攝養與古不同，其藥乃傷脾

敗陽之物。若與兒服，後必生異證。只宜用淡豆

豉煎濃汁，與三五口，其毒自下。又能助養脾氣

消化乳食。薛氏預以甘草細切少許，臨產時

以綿裹沸湯盪內，覆溫收生之際，以軟綿裹指

蘸甘草汁拭其口。

次用下胎毒諸法。

豬乳法 嬰兒初生至滿月內，常時時旋取豬乳

滴口中佳。豬兒飲母次便提後，

脚離乳急捋之，卽得。

襁褓法 千金論云：小兒用父故衣，女用母故衣。

文方切月嬰 卷三 豬乳法 襁褓法 二

勿使新綿切不可過厚恐令兒壯熱生瘡發癰

皆自此始

巢氏云兒始生肌膚未成不可煖衣煖衣則令筋骨緩弱宜時見風日若

不見風日則令肌膚脆軟便易損傷

藏在幃幙之內重衣溫煖譬如陰地草木不見

風日軟脆不任風寒嬰兒皆當以故絮著衣

莫用新綿也天氣和煖無風之時令母常抱日

中嬉戲數見風日則令血和氣剛肌肉硬密堪

耐風寒不致疾病又當習薄衣之法當從秋

習之不可於春夏卒減其衣令兒受風寒冬

月但當著夾衣及衲衣之類極寒則漸加以舊

綿人家多愛子乃以綿衣過厚適所以爲害也

又當消息無令汗出汗出則致虛損便受風

寒晝夜寤寐

皆當戒之

乳哺法

湯氏曰小兒乳哺須要得法乳者奶也

哺者食也。乳後不得便與食。哺後不得便與乳。

小兒脾胃怯弱。乳食相併。難以剋化。周歲以上。

必成乳癖于腹中。作疼作熱。疳病從此起也。丹

日。小兒腸胃尚脆而窄。若稠粘乾硬酸鹹甜辣。

一切魚肉水菓濕麪燒炙煨炒。俱是發熱難化。

之物。皆宜禁絕。只與熟菜白粥。非唯無病。且不

縱口。可以養德。此外生栗味鹹。乾柿性涼。可爲

長陰之助。然栗太補。柿太澁。俱爲難化。亦宜少

與。婦人無知。唯務姑息。畏其啼哭。無所不與。積

成痼疾。雖悔何及。所以富貴驕養。有子多病。迨

至成人。筋骨柔弱。有食則不能忌口。以自養。居

喪則不能食素。以盡禮。小節不謹。大義亦虧。可

不慎與。至于乳母。尤宜謹節。飲食下咽。乳汁便

通。情慾中動。乳脉便應。病氣到乳。汁必凝滯。兒

得此乳。疾病立至。不吐則瀉。不瘡則熱。或爲口

摩或爲驚搐。或爲夜啼。或爲腹痛。病之初來。其溺必少。便須詢問。隨證治母。母安亦安。可消患於未形也。

乳兒法

凡乳母氣血爲乳汁也。五情善惡。悉氣血所生。宜戒喜怒。一切禁忌。不用狐臭。癭瘰。氣嗽病者。及身體疥癬。頭瘡。髮少。唇緊。音啞耳聾。鼷鼻。癰病等。方可乳兒。夏天盛熱時。乳母浴後。或兒啼。不可與妳。使兒胃有熱毒。秋成赤白痢。浴後可令定息良久。乳之可無患也。聶氏曰。盛啼不可食。乳恐氣逆不順。聚而爲噎。亦能

成疾。千金論曰。凡乳兒不可過飽。飽則溢而
成嘔吐。若乳來多猛。取出授後。再乳切須乳時
合先令捏去宿熱。乳然後乳之。如乳母欲臥寐
當以臂枕之。令乳與兒頭平。母欲睡着時。卽奪
其乳。恐其不知飽足。亦成嘔吐。父母交合之間
兒臥于側。或驚起。不可乳兒。蓋氣亂未定。必能
殺兒也。聖惠方云。醉淫喘乳。能殺小兒。聖濟經
論。乳者。夏不欲熱。熱則致吐逆。冬不欲
寒。寒則致下痢。母不欲怒。怒則令上氣顛狂。母
不欲醉。醉則令身熱腹滿。母方吐下而乳。則致
虛羸。母有積熱而乳。則變黃。不能
食。新房而乳。則瘦悴交脛。不能行。

哺兒法 錢乙云。兒多因愛惜過當。兩三歲猶未
飲食。致脾胃虛弱。平生多病。半年後宜煎陳米
稀粥。時時與之。十月後漸與稠粥爛飲。以助中
氣。自然易養。少病。惟忌生冷油膩甜物等。寶鑑云。兒
五十日可哺。如棗核。百日彈丸。早晚二哺。
三歲未滿。勿食雞肉及子。恐腹內生蟲。

雜將護法 嬰兒百日任脉生。能反復乳母當存
節喜怒。適其寒溫。嬰兒半晬。尻骨已成。乳母
當教兒學坐。嬰兒二百日外。掌骨成。乳母教
兒地上匍匐。嬰兒三百日。臍骨成。乳母教兒

獨立。嬰兒周晬。膝骨已成。乳母教兒行步。上件並是定法。世人不能如法。往往抱兒過時。損傷筋骨。切宜戒之。

柴歸飲。治痘疹初起發熱未退。無論是痘是邪。

疑似之間。均宜用此平和養營之劑。以爲先着。

有毒者可托。有邪者可散。實者不致助邪。虛者

不致損氣。

凡陽明實熱邪盛者。宜升麻葛根湯。如無實邪。悉宜用此增減之。小兒

壯熱。呵欠頓悶。時發驚悸。或吐或瀉。手足時冷。面頰頰赤。嗽嚏者。爲痘證也。呵欠頓悶。肝之證也。時發驚悸。心之證也。或吐或瀉。手足時冷者。脾之證也。頰赤嗽嚏。肺之證也。腰痛喜寐。腎之

證也。五臟之證盡顯者其痘必多。但顯一二證者其痘必少。其本總由于淫火之毒也。

當歸

錢二三

芍藥

或生或炒

荆芥

錢一

炙甘草

七分

錢

柴胡

錢一二

加薑煎服

血熱者

加生地

陰虛者加熟地

氣虛脉弱者加人參

虛寒

者加炮姜肉桂

腹痛者加木香砂仁

嘔惡

者加乾姜陳皮

若治麻疹以乾葛易荆芥

升麻葛根湯

小兒初間發熱壯盛爲風寒爲痘

疹莫能辨的此方穩當

方見卷三上表散門

表熱壯盛。此邪實于表也。經曰：輕可去實。故用升麻葛根以疏表。甘草佐之，可以和在表之氣。芍藥佐之，可以和在表之營。去其實邪，和其營衛。風寒則解。痘疹則出。誠初間之良劑也。如至四五日，痘中夾疹者，亦此方主之。疹散只依常法治痘。

疎邪飲 治痘疹初起發熱。凡氣血強盛，無藉滋補者，單宜解邪。此方爲主，以代升麻葛根湯及蘇葛等方，最爲穩當。

芍藥

酒炒

柴胡

用倍

甘草

炙

蘇葉

荊芥穗

減半

水

煎熱服

無火者加生姜三片

火盛內熱者

加黃芩

渴者加乾葛

去蘇葉荊芥加乾葛黃芩連翹名柴葛煎治痘

疹表熱及瘟疫等證

參蘇飲

治痘證初起風寒壯熱體重頭痛痰嗽

壅盛

方見卷五下表裏門

風寒客于外故用紫蘇乾葛以發表痰嗽壅于

內故用半夏前胡桔梗陳皮茯苓以安裏邪去
之後中外必虛人參甘草急固其虛此則表和
而痘易出裏和而氣不虛表裏無失斯良劑矣
惺惺散 發熱之初未明是痘形體怯弱者宜之
人參 白朮 甘草 細辛 白茯苓 天花
粉 白芍藥 桔梗 各七分

參朮朮草防其虛也細辛桔梗所以疏其陽花
粉白芍所以和其陰

透邪煎 凡麻疹初熱未出之時惟恐誤藥故云

未出之先不宜用藥。然解利得宜則毒必易散而勢自輕減。欲求妥當當先用此方爲主。

當歸

二三錢

芍藥

酒炒一錢

防風

八分

荊芥穗

錢一升麻

甘草

炙七分

水煎服

如熱甚脉洪滑者加

柴胡一錢。此外凡有雜證俱可隨宜加減。

麻黃湯

治痘疹天寒腠密表熱壯盛。

方見卷三上表散門。

解表之藥有三品。辛涼辛溫辛熱也。夏月表氣易泄宜用辛涼。春秋表氣平調宜用辛溫。若天

寒之時表氣閉密。辛涼辛溫不能解散。故以麻黃桂枝之辛熱者以主之。亦各當其可而已。佐以杏仁利其氣也。佐以甘草和其氣也。

加味葛根湯

凡小兒發熱看有痘情。

耳冷指冷脚冷眼如

含水懶于言笑是也

宜用此服至見點。

升麻

葛根

前胡

桔梗

山查

青皮

木通

荊芥

撫芩

甘草

加燈心

高鼓峯曰如服此湯而不見點是毒盛也其證必重若熱甚氣悶譫語腰無力冬月可加麻黃

一錢夏月加石膏一錢甚者加至二錢

如冬月熱甚過

四五日重證已見而舌灰白色者亦須以石膏合麻黃用之夏月蘇葉薄荷俱可進退用之

如見點如糠粃齊布熱甚口臭此脾經痘也死

不治矣去葛根青皮加紅花蟬脫名紅花湯

三日

後宜

如見點三日痘已齊而大熱不退此是毒

盛危候見矣須以涼藥涼血紅花湯去升麻撫

芎山查加生地丹皮與之然此是乾紅候百不

一活

如熱微者不妨

紅花湯去升麻撫芎山查木通加

殭蠶大力子名桔梗湯

六日已過痘脚已齊

又

三日發熱起頂濃漿至矣。當用木通殭蠶荆芥連翹花粉丹皮丹參等以和其毒。其有變白色而發癢者。氣血虧也。五味異功散。見卷一上四君子湯附方加白芍以救其元氣。虛甚者參朮加至五六錢大劑用之。自然有救。或泥于庸醫發未盡而禁補。或反咎發表欠透。以致今日內陷者。此殺人之論。不可信也。信手大補。不一二劑。必然窠下漿來。生氣勃然矣。卽有痔搯破者。亦自循皮爛臭而回生。

羌活透肌湯 治痘出見點未盡

羌活 陳皮 柴胡 前胡 半夏 茯苓

甘草 桔梗 川芎 當歸 山查

表氣未疏則出有不盡故用羌芎柴前以疏表裏氣未利則出有不速故用二陳桔梗以調裏當歸活表裏之血山查消表裏之滯血活滯消則痘之出也易易耳

透肌散 治氣弱痘出不盡

紫草_{二錢} 木通_{一錢五分} 白芍藥_{酒炒} 人參 蟬脫 升

麻

甘草

五分

人參甘草能益氣而補中。紫草木通能透肌而
起痘。升麻蟬脫能退熱而消風。用芍藥所以調
陰氣而和營衛也。

紫草化毒湯

治痘已出未出熱壅不快

紫草

二錢

陳皮

一錢

升麻

甘草

五分

如小便赤加

木通

紫草活竅利血化毒。陳皮快膈消痰利氣。升麻
消風發散瘡癢。甘草補虛和中解熱。木通加之

爲導熱邪由溺而泄爾。

搜毒煎 解痘疹熱毒熾盛紫黑乾枯煩熱便結
純陽等證

紫草 地骨皮 牛蒡子 黃芩 木通 連

翹 蟬退 芍藥 水煎 渴者加花粉麥冬

陽明熱甚頭面牙齦腫痛者加石膏知母 大

腸乾結臍腹實脹者加大黃芒硝 血熱妄行

者加犀角童便 小水熱閉者加山梔車前子

兼表熱者加柴胡

涼血養營煎

治痘瘡血虛血熱色紅熱渴或色

燥不起及便結溺赤凡陽盛陰虛等證

生地

當歸

白芍

甘草

地骨皮

紫草

黃芩

紅花

水煎服量兒大小加減

渴

加天粉

肌熱無汗加柴胡

血熱毒不透者

加犀角

毒熱甚者加牛蒡子木通連翹之屬

甘桔湯

治痘疹咽喉腫痛

方見卷八下瀉火門

消毒飲

治痘疹咽喉腫痛膈上熱盛

或方切用

嬰

卷上

甘桔湯

消毒飲

加味如聖散

仁

牛蒡子

錢二

荊芥穗

錢一

防風

生甘草

分五

牛蒡子疏喉中風壅之痰。荊芥穗清膈間風壅之熱。生甘草緩喉中風壅之氣。防風散諸風不去之邪。

加味如聖散

治痘疹痰嗽風熱聲啞喉痛

桔梗

錢二

牛蒡子

麥門冬

錢半

甘草

元參

荊

芥

錢一

防風

分七

生犀角

黃芩

分五

牛蒡子麥門冬療風痰而清肺熱。荊芥防風散風邪而升鬱熱。甘草桔梗黃芩利咽喉而清氣。

熱犀角元參涼心膈而療結熱熱去則金清金清則聲啞瘥矣

前胡化斑湯

治痘疹中夾斑淡紅色

淡紅色者其原由初間不能清熱解毒之故。治痘中之斑與傷寒雜證不同傷寒之斑宜主寒涼痘中之斑寒之則血凝而痘不起雜證之斑間用溫補痘中之斑補之則血溢而斑愈盛此方利養調衛不寒不熱誠得治痘斑之理也。

酒紅花

當歸

錢一前胡

八分荆芥

四分白芷

甘草

一節赤芍

陳皮

五分鬱金

七分酒浸

胡荽子

三十一粒

紅花當歸赤芍所以活斑中之血前胡白芷陳

成方切用 卷三
皮荊芥所以利表裏之氣胡荽甘草鬱金所以
散滯氣爾

活血散 治痘證氣血凝滯

木香

錢二

當歸尾

酒浸焙乾

赤芍

酒浸炒

川芎

紫草

酒紅花

錢五

血竭

錢一

每服三錢

氣貴利而不貴滯血貴活而不貴凝木香川芎

調其氣滯赤芍歸尾紫草紅花血竭理其血凝

尾角地黃湯

治痘疹血熱及諸失血證

方見卷一下理血門

心生血。生地黃所以涼心血。肝藏血。白芍藥所以和肝血。火能載血。牡丹皮所以去血中之火。熱能動血。生犀角所以解諸經之熱。

四順清涼飲

治實熱內壅。腹脹秘結。痘不能出。

大黃 當歸 芍藥 甘草

痘以熱而出。固不能以無熱。若實熱內壅。腹脹便秘。則三焦之氣不化。而痘不能以出矣。故用大黃通其滯。當歸活其血。芍藥養其陰。甘草調其胃。通利之後。表裏氣血皆承順矣。故曰四順。

如形質虛弱而大便秘結不堪攻下者用蜜煎

黃連解毒湯

治痘疹裏熱壅盛

方見卷八下瀉火門

無熱固不化毒。熱壅則毒亦不化。故用黃連瀉心火。黃芩瀉肺肝之火。黃柏瀉腎火。梔子瀉上下之火。無他證而惟熱壅。故用藥亦精專焉。

人參白虎湯

治痘證裏熱渴甚

方見卷八下瀉火門白虎湯附方

石膏清胃熱。胃清則不渴。人參知母甘草化氣

而生津液。液生則熱自除。

七正散

治痘證小便秘澁。

車前子

赤茯苓

山梔仁

生甘草梢

木

通

扁蓄

龍胆草

治痘必欲利小便者。水循其道而後地平。天成故也。是方也。車前能滑竅。赤苓能滲溼。木通能通滯。山梔能瀉火。草梢能通莖。扁蓄能利水。膽草能利熱。七物者。導其熱邪。正其中氣。故曰七正。

加味導赤散

治痘疹小便黃赤口乾煩渴

生地黃

人參

麥門冬

木通

甘草

竹

葉 燈心

內熱故用生地黃小便黃赤故導以木通竹葉
燈心口乾煩渴故潤以麥冬人參甘草乃氣化
而津液自生也

辰砂益元散

治痘疹裏熱小便黃赤神氣不清

方見卷七上消暑門六一散附方

滑石清利六腑甘草解熱調中辰砂安神去怯

去甘草滑石辰砂各一錢水飛過加冰片三厘
每用冷水調服一錢名退火回生散治痘證血
滯枯澁火炎則水乾是故枯澁用滑石辰砂導
去其熱此釜底抽薪之意入冰片者欲
其速達而無壅滯也

當歸黃連湯 治痘瘡毒盛灰白色不痒

當歸 黃連 丹皮 殭蠶 荆芥 牛蒡子

花粉 銀花 生地 加燈心

保元湯 自行起發至頂已起矣而因氣虛有陰

證者宜此

人參 黃耆 甘草 加生薑

氣虛頂陷者此方主之

汪機曰蕭山魏直著博愛心錄三卷言小兒痘

瘡雖有順險逆三證順者爲吉不用藥逆者爲凶不必用藥唯險乃悔客之象當以藥轉危爲安宜用保元湯加減主之此方原出東垣治慢驚土衰木旺之法今借而治痘以其內固營血外養衛氣微助陰陽作爲膿血其證雖異其理則同去白芍藥加生薑改名保元湯炙黃耆三錢人參二錢炙甘草一錢生薑一片永煎服之險證者初止圓暈乾紅少潤也將長光澤頂陷不起也繼出雖起慘色不明也藥行色灰不榮也漿足光潤不消也漿老溼潤不斂也結痂而胃弱內虛也痂落而口渴不食也痂後生癰毒也癰腫潰而斂遲也凡有諸證並宜此湯或加芩藹官桂糯米以助之嘉謨曰人參補中黃耆實表凡內傷脾胃發熱惡寒吐泄怠臥脹滿痞

寒神短脈微者當以人參爲君黃耆爲臣若表虛自汗亡陽潰瘍痘證陰瘡者當以黃耆爲君人參爲臣不可執一也

十二味異功散

治痘出不光澤不起脹根窠不

紅表虛痒塌

人參

豆蔻

白朮

當歸

丁香

肉桂

厚朴

陳皮

半夏

茯苓

附子

木香

中氣有餘氣血充滿則痘光澤起發根窠紅活表無痒塌之患中氣不足則表亦虛而諸證作矣是方也人參白朮茯苓當歸所以補胃附子

肉桂丁香豆蔻所以溫胃半夏木香陳皮厚朴
所以調脾胃陽明也陳氏云陽明主肌肉胃氣
充足則肌肉溫煖光澤起脹而無痒塌之患亦
見道之言也

如漿有不起頂不充滿而發痒窠
殼脫落如梅花片下發瀉者虛甚

也五味異功散加黃耆木香甚
者附子肉桂吳茱萸俱當用

九味異功煎 治痘瘡寒戰咬牙并治男婦陽氣

虛寒等證可代陳氏十二味異功散等方

人參

當歸

熟地

黃耆

乾薑

炮製附

子

肉桂

甘草

丁香

或一錢

右

錢一二

錢一

或一錢

錢一

或一錢

錢一

錢一

錢一

量兒大小加減用水一鍾半煎七分徐徐與服
如泄瀉腹痛加肉苳蔻麩炒一錢或白朮二
錢

六物煎 治痘疹氣血不足隨證加減用之神効

不可盡述并治男婦氣血俱虛等證

熟地

或用生地

甘草

炙

當歸

芍藥

俱隨宜加減

川芎

三四

分不人參

或有人參

或有或無隨虛隨實用

水煎服

宜多用

如發熱不解或痘未出之先宜加柴胡以疎利

或加防風佐之見點後痘不起發或起而不

貫。或貫而漿薄。均宜單用此湯。或加糯米人乳
好酒肉桂。以助營氣。紅紫血熱不退。宜加紫
草或犀角。脾氣稍滯者。宜加陳皮山查。胃
氣虛寒多嘔者。加乾薑炒用。或加丁香。腹痛兼
氣滯者。加陳皮木香。表虛氣陷不起。或多汗
者。加黃耆。氣血俱虛。未起未貫而先癢者。加
肉桂白芷。元氣大虛。寒戰咬牙泄瀉。宜去芍
藥加黃耆附子乾薑肉桂。

六氣煎 治痘瘡氣虛痒塌倒陷寒戰咬牙并治

男婦陽氣虛寒等證

黃耆 肉桂 人參 白朮 當歸 甘草

炙

右咬咀水煎服 加減法照前六物煎

白朮茯苓澤瀉湯

治痘證水泡

中有實熱。膈有停水。淫熱外行。

初則痘色晶亮。頃則痘皆水泡矣。此乃水不能潤下。竈底燃薪。釜中發泡之義。

白朮 茯苓 澤瀉

白朮甘而燥能益土以防水土。茯苓甘而淡能益土以決防。澤瀉鹹而潤能潤下而利水。水利溼消泡自瘳矣。

補中益氣湯

治中氣虛弱。痘不起脹。

難經曰。氣主煦之。故

氣者。嚙長萬物者也。痘不起脹。氣之弱也。

方見卷一上治氣門

參耆朮草以補氣。升柴以升陽。當歸以活其營。陳皮以利其氣。

四物湯

治痘證根淡血弱。

痘至五六日。氣尊血附之時。根腳淡爲血

弱。故用當歸活血。川芎行血。熟地補血。芍藥斂血。

方見卷一下理血門

當歸活血湯

治痘瘡色紫色枯。用此涼血活血。

生地 當歸 川芎 赤芍 紅花 紫草
色紫爲血熱色枯爲血滯熱者涼之枯者澤之
調血之道也生地涼血之品餘藥皆活血之品
血涼而活壅熱可除矣

內托散

治表虛裏實氣血皆弱

在表者痘頂灰陷爲氣虛痘根

色淡爲血虛若息重氣粗則爲裏實

人參

黃耆

甘草

當歸

川芎

白芍

厚朴

防風

白芷

肉桂

木香

桔梗

紅深黑陷屬熱毒者去桂加紫草紅花黃芩

淡白灰陷屬虛寒者加丁香溫裏肉桂溫表
當貫膿而不貫膿者倍參耆當歸加糯米煎熟
入人乳好酒

氣虛故用參耆甘草血虛故用歸芍川芎然防
風白芷肉桂能引諸藥自內而托之于外木香
桔梗厚朴能調壅實以歸于和

八珍湯

治氣血兩虛

醫貴未然之防痘證雖順若氣體虛弱不補恐有後

失故用四君以補氣四物以養血

方見卷一上治氣門四君子湯附方

附子理中湯

治胃中虛寒或又誤服涼藥瀉而

手足厥冷者

方見卷六下祛寒門理中湯附方

十全大補湯

治痘證十日以上血氣虛弱者

方見卷一上治氣門四君子湯附方

止痛活血散

治痘漿已滿血滯瘀痛不可忍者

白芍藥

酒炒二錢

爲細末酒調下

諸病痒者爲虛痛者爲實痒宜補而痛宜瀉此痛爲血實而滯故用芍藥以平血酒調以行滯

成方切用

卷主

附子理中湯 十全大補湯 止痛活血散

三

治痘瘡溼爛方

或以敗草灰敷之或以蠶繭灰入枯礬少許敷之或以牆上白螺螄殼燒灰敷之或以蛤粉敷之四法者皆是溼者燥之之意

痧證初起方

升麻 葛根 芍藥 甘草 桑皮 地骨皮

桔梗 牛蒡 荊芥 連翹

痧證卽疹子又名瘡子不宜依證施治惟當治本本者手太陰足陽明兩經之邪熱也解其邪

熱則諸證自退矣。若服前藥次日標形顴鼻

見點多者最吉。以其清陽喜上升也。第二日葛

根可去。惡其開肌腠而乾津液也。若熱甚勢重

前湯加白虎芩粉之類。斷不可少。若服藥後而

熱愈甚者。正毒達之故也。得大汗而毒自解矣。

若略見標而不見形者。此爲痧毒不透。後必防

疳。宜從養陰治。甘露飲主之。見潤必多服乃效。

亦從汗解。乃屢驗者。有一等小兒乳疳。一日可解。不必盡三朝九朝之說。

以清火爲主。兼解可也。緣小兒稟質尙弱。神氣有限。如遇粗工不審虛實。發散過多。必致正氣

虛脫而不可教者多矣。有痧毒痰喘甚者。雖用石膏黃連。如水淋石。要知是痧毒痰火壅結上焦之故。宜用瓜蒌霜枳殼花粉金沸草清痰清火。如挾氣虛者。加人參立應。痧證多泄瀉。慎勿止瀉。惟用升麻葛根黃連甘草。則瀉自止。痧家不忌泄瀉。瀉則陽明邪熱得解。是亦表裏分消之義。痧後泄瀉及便膿血。皆由邪熱內陷故也。大忌止瀉。惟宜升散。仍用升麻葛根湯。加黃連扁豆。若便膿血。加滑石末。必愈。

吳氏醫學述第四種成方切用目錄

卷十一下

癰瘍門

正方二十六
附方七

皂莢丸

皂莢丸

桔梗杏仁煎

腸癰秘方

金銀花

酒

同毒金銀花酒
長春藥酒

四仙飲
金銀花膏

真人活命飲

托裏

散

芍藥蒺藜煎

當歸蒺藜煎

灸法

芙蓉

外敷法

見本草從新卷
三下木芙蓉條

百草煎

蠟礬丸

雄礬丸

托

裏十補散

托裏散

托裏溫中散

托裏黃耆湯

蟬

蛸散

槐花蕊

棉花瘡點藥

又武定侯方

當歸補血湯加防風連翹方

十全大補湯

方見治氣

門

連翹金貝煎

連翹歸尾煎

降癰散

後方

止痛當歸湯

吳氏醫學述第四種

武原吳儀洛遵程輯

門人

周蘭九生庭
殷豫龍浩如
同較

成方切用

癰瘍門

外科方證。至爲繁多。不能盡錄。茲量採數方。以備擇用。若夫渴熱解毒。活

血托裏之劑。多散見於諸門。唯在用者。之圖神而已。○內經曰。營氣不從逆於肉理。乃生癰腫。又曰。諸痛癢瘡。皆屬心火。丹溪曰。癰疽皆因陰陽相滯而生。蓋營行脈中。衛行脈外。相並周流。寒與溼搏之。則凝滯而行遲。爲不及。熱與火搏之。則沸騰而行速。爲太過。氣得邪而鬱。津液稠粘。爲痰爲飲。積久滲入脈中。血爲之濁。此陰滯於陽也。血得邪而鬱。隧道

阻滯。或溢或結。積久滲出脈外。氣爲之亂。此陽滯於陰也。百病皆由於此。不止毒直爲然。

皂莢丸

金匱

治肺癰欬逆上氣時時唾濁但坐不

眠。肺者五臟之華蓋。處於胸中。主氣。候在皮毛。出惡風。咳嗽短氣。鼻塞項強。胸膈脹滿。久久不瘥。則成肺痿。風傷皮毛。熱傷血脈。風熱相搏。氣血稽留。蘊結於肺。則成肺癰。多吐涎沫。而無膿者。肺痿也。口乾喘滿。咽燥而渴。甚則四肢微腫。咳吐膿血。胸中隱痛者。肺癰也。痿爲正氣虛。癰爲邪氣實。

皂莢

刮去皮。炙。

爲朱蜜丸。以棗膏和湯服三丸。

喻嘉言曰。火熱之毒結聚於肺。表之裏之溫之清之。曾不少應。堅而不可攻者。令服此丸。庶幾

無堅不入。聿成洗蕩之功。不可以藥之微賤而少之也。

加蛤粉等分爲末。名皂蛤丸。每服二錢酒下。治

婦人風邪客於乳房而成癰癰。此藥能導其乳出而自

愈矣

桔梗杏仁煎。治咳嗽吐膿痰中帶血。或胸膈隱

痛將成肺癰者。此方爲第一。此桔梗湯之變方也。

桔梗 杏仁 甘草錢一 阿膠 麥冬 百合

金銀花 夏枯草 連翹錢二 貝母 紅藤錢三 枳

穀錢半

水煎食遠服

火盛兼渴者加天花粉

腸癰秘方

凡腸癰生於小肚角微腫而小腹隱

痛不止者若毒氣不散漸大內攻而潰則成大患急宜以此藥治之

先以紅藤一兩許以好酒二碗煎一碗午前一服醉臥一時午後用紫花地丁一兩許亦如前煎服服後痛必漸止爲效然後服末藥除根

蟬退

僵蠶

當歸

天龍

大黃

石蝎

草錢五老蜘蛛

二箇捉放新瓦上以酒鍾蓋定外用火煨存性

爲末每

空心用酒調送一錢日逐漸服自消

金銀花酒

治一切癰疽惡瘡不問發在何處或

肺癰腸癰初起便服奇效

癰疽之生始於喜怒處之不節或金石草藥之發動寒暑燥淫之不

調致陰陽不平而蘊結管衛凝滯而腐潰輕者

起於六腑浮達而為癰重者發于五藏沉滯而

為疽大抵實者為癰淺者為瘡深則為疽矣。

發于外者為背疽腦疽者鬚等疽發於內者為

肝癰肺癰腸肚等癰外證易識內證難明太陽

經虛從背而出少陽經虛從鬚而出陽

明經虛從髡而出督脈經虛從腦而出。

金銀花五兩乾者不

及生者力速甘草兩一水二碗煎一碗

再入酒一碗略煎分三服一日一夜服盡重者

日二劑服至大小腸通利則藥力到外以生者
爛搗酒調敷毒四圍

金銀花寒能清熱解毒甘能養血補虛爲癰瘡
聖藥甘草亦扶胃解毒之上劑也

金銀花

二兩甘草一兩

黃耆四兩

酒一升重湯煮服名

回毒金銀花湯治痛瘍色變紫黑者又黃耆當

歸金銀花甘草大劑煎服名四仙飲治氣血俱

虛服之未成卽消已成卽潰已潰卽愈

附長春藥酒黃耆

十二兩蜜炙煎膏

大生地

六兩銅刀切片

金

銀花當歸

各四兩

甘草

去皮蜜炙

地骨皮

甘草水洗二兩

廣

陳皮

去白一兩

用白糯米二斗

做酒釀一垵

將前藥

後六味用綿包好入垵內

隔湯煮三炷香

將黃

耆膏傾入

再煮三炷香

將垵埋地下三尺餘深

七日七夜

取起濾清

聽用

此酒不特外科虛證

之無不神效所以蘇州陸德敷家以此酒馳名于天下也

附金銀花膏

一名忍冬膏

四月採鮮花搗汁熬膏

茶

酒任點服

養陰退陽

補虛療風尤宜於火熱熾

盛之人永無疔疽之患

酒亦佳

花葉同功而尤勝

花

香

尤勝

花

尤勝

真人活命飲

治一切癰疽腫毒初起未潰者

金銀花

錢五

陳皮

去白

當歸

酒洗錢半

防風

七分

白芷

甘草

草節

貝母

天花粉

乳香

錢一

沒藥

二味另碾候藥

皂角刺

熟下分五

川山甲

三片剉蛤粉炒去粉

好酒煎善飲

者多飲酒以行藥勢忌酸物鐵器

藥性收斂凡藥皆忌鐵

金銀花散熱解毒癰瘡聖藥故以爲君花粉清

痰降火白芷除溼祛風並能排膿消腫當歸和

陰而活血陳皮燥溼而行氣防風瀉肺疏肝貝

母利痰散結甘草化毒和中故以爲臣乳香調

氣托裏護心。

能使毒氣外出，不致內攻。

沒藥散瘀消腫定痛。

故以爲佐。穿山甲善走能散。皂角刺辛散剽銳。

皆厥陰陽明正藥。能貫穿經絡，直達病所而潰。

壅破堅，故以爲使。加酒者，欲其通行週身，使無

邪不散也。

此藥當服于未潰之先，未成者散，已成者潰。若已潰後，不可服。

托裏散

治一切惡瘡發背疔疽便毒始發脈弦

洪實數腫甚欲作膿者。

脈弦洪實數乃實熱堅滿之證，故宜下之。

金銀花

當歸兩大黃

朴硝

花粉

連翹

牡蠣

皂角刺三錢黃芩

赤芍

錢一

每五錢

半酒半水煎

金銀花清熱解毒癰瘡主藥當歸赤芍調營血
大黃芒硝蕩胃熱黃芩清肺火牡蠣軟堅痰連
翹花粉散結排膿角刺鋒銳直達病所而潰散
之也。東垣曰瘡瘍及諸病面赤雖伏火熱毒禁
不得攻裏爲陽氣怫鬱邪氣在經宜發表
以去之故曰火鬱則發之雖大便數日不見宜
多攻其表以發散陽氣少加潤燥藥以潤之如
見風脈風證只宜發表風藥便可以通利大便
若止乾燥秘瀆尤宜潤之慎不可下九竅不利
瘡瘍鬱悶皆不可下汗之則愈綢繆目曰大便秘
實不知其氣不降也便以爲實而行大黃些少
寒熱不知其氣血不和也便以爲寒而最遠
有外感而行表散如此害人最速

芍藥蒺藜煎 治通身溼熱瘡疹及下部紅腫熱

痛諸瘡神効外以螺蛸粉敷之

龍膽草 梔子 黃芩 木通 澤瀉錢芍藥

生地錢二白蒺藜連刺搗碎五錢甚者用一兩

如火不甚

者宜去龍膽草梔子加當歸茯苓米仁之屬

如溼毒盛者加土茯苓五錢或一二兩

當歸蒺藜煎 治癰疽瘡疹血氣不行邪毒不化

內無實熱而痛腫淋漓者悉宜用之此與芍藥

蒺藜煎相爲奇正也當酌其詳

當歸 熟地 芍藥炒酒 何首烏錢二 甘草炙 防風

川芎 白芷 荆芥穗錢一 白蒺藜炒搗碎三錢或五錢

或水或酒煎然水不如酒或以水煎服後飲酒
數杯以行藥力亦可 陽虛不能化毒者加桂
枝甚者再加乾薑附子 氣虛不化者加人參
黃耆 毒陷不能外達者加穿山甲或皂刺

灸法 治一切癰疽惡瘡

凡人初覺發背欲結未結赤腫焮痛以溼紙覆
其上先乾處卽癰頭也取獨頭大蒜切片安于

頭上用艾灸之三壯換一蒜片痛者灸至不痛
不痛者灸至痛時方住最要早覺早灸爲上若
有十數頭者卽用蒜研作餅鋪頭上聚艾于餅
上燒之若初發赤腫一片中間有黃粟米頭子
便用獨蒜片安于頭上着艾灸十四或四十九

壯使毒氣外出則易愈

李迅曰癰疽着灸勝于用藥三壯一易百壯爲

率但頭頂已上切不可用恐引氣上更生大禍也。史源曰有灸至八百壯者約艾一箇初壞肉不痛直灸至好肉方痛至夜火熾滿背高阜頭孔百數則毒外出否則內逼五臟而危矣綱目曰精要謂頭上發毒不得灸此言過矣頭爲諸陽所聚艾炷宜小壯數宜少小者如胡椒粒少者

三五壯而已。按東垣灸元好問腦疽以大艾炷如兩核許者灸至百壯始覺痛而疼由是推之則頭上發毒灸之痛者艾炷宜小壯數宜少若不痛者艾炷大壯數多亦無妨也。

芙蓉外敷法

見本草從新卷三下木芙蓉條

百草煎

治百般癰毒諸瘡損傷疼痛腐肉腫脹

或風寒溼氣畱聚走注疼痛等證無不奇効。

百草

凡田野山間者無論諸品皆可取用然

以山草爲勝辛香者佳冬月可用乾者

不及鮮者力速

須預爲採取之

右不論多少取以多煎濃湯

乘熱薰洗患處仍用布帛蘸熨良久務令藥氣

蒸透。然後敷貼他藥。每日二三次不拘。但以頻敷爲善。蓋其性之寒者。可以除熱。熱者可以散寒。香者。可以行氣。毒者。可以解毒。無所不用。亦無所不到。湯得藥氣。則湯氣無害。藥得湯氣。則藥力愈行。凡用百草以煎膏者。其義亦以此。此誠外科中最要最佳之法。亦傳之方外人者也。
若洗水鼓腫脹。每次須用二三十斤煎濃湯。二三鍋用大盆盛貯。以蓆簾遮風。薰洗良久。每日一二次。內服麻膏。飲分利等劑。妙甚。

蟻蟻丸

治一切瘡癰惡毒。先服此丸。護膜托裏。

使毒不攻心。或爲毒蟲蛇犬所傷。並宜服之。

黃蠟

二兩 白礬一兩

先將蠟溶化。候少冷。入礬和

勻。爲丸。酒下。每服十丸。二十丸。漸加至百丸。則有力。瘡愈後。服之亦佳。加雄黃名雄礬丸。治蠱毒蛇犬蟲咬毒。

心爲君主。不易受邪。凡患癰疽。及蛇犬所傷。毒上攻心。則命立傾矣。黃蠟甘溫。白礬酸澀。並能固膜護心。解毒定痛。托裏排膿。使毒氣不致內攻。故爲諸證所必用。

酒類黃明膠亦妙。方見本草。從新黃明膠條下。

托裏十補散

局方卽外科精要十宣散

治癰瘡初發或已發

邪高痛下瘡盛形羸脈無力者

癰疽不因膏梁丹毒火熱因虛

勞氣鬱者止宜補形氣調經脈自當消散不待汗之下之也

當歸

黃耆

人參

錢二川芎

桂心

白芷

防風

厚朴

桔梗

甘草

錢一

每服二錢加

至六錢熱酒調下千金加芍藥連翹木香乳香

沒藥亦名托裏散治發背疔瘡

參耆補氣芎歸活血甘草解毒桂心白芷桔梗

排膿厚朴瀉實滿防風散風邪爲表裏氣血之

藥其成助陽內托之功也

丹溪曰冬月腫瘍用之可轉重爲輕若夏

月潰瘍用之以桂朴之溫散佐以防風白芷吾恐雖有參耆難爲倚仗世人不分冬夏無論經絡不能無悞也機要曰治瘍須明托裏疎通臟腑調和營衛三法內之外者其脈洪實發熱煩躁外無焮赤痛深于內其邪深矣當疎通臟腑以絕其源外之內者其脈浮數焮腫在外形證外顯恐邪氣極而內行當先托裏內外之中者外無焮惡之氣內亦臟腑宣通知其其在經當和營衛用此三者雖未卽瘥必無變證

托裏溫中湯

治瘡瘍爲寒變而內陷膿出清解

皮膚涼心下痞滿腸鳴切痛大便微溏食則解

逆氣短呃逆不得安臥時發昏憤

此孫彥和治王伯祿臂瘍

方也。六脈沉微。色變膚涼。加以呃逆。胃中虛寒。極矣。遂于盛夏用此大辛熱之劑。蓋拾時從證之變法也。

附子

炮四錢

乾薑

炮

羌活

錢三

茴香

丁香

沉香

益智仁

甘草

炙

陳皮

錢一

木香

錢半

生薑

片五

衛生寶鑑曰。經云。寒淫于內。治以辛熱。佐以苦

溫。附子乾薑大辛熱。溫中外。發陽氣。自裏之表

爲君。羌活味苦辛溫。透關節。炙草甘溫。補脾胃

行經絡。通血脈。胃寒則嘔吐不下食。益智沉香

丁香大辛熱。以散寒邪爲佐。瘡氣內攻聚而爲

滿。木香。茴香。陳皮。辛苦溫。治痞散滿爲使。

托裏黃耆湯

總錄

治諸瘡潰後膿多內虛。潰後膿血出多。

陰陽兩竭宜大補氣血。

黃耆 人參 當歸 桂心 茯苓 遠志

麥冬 五味子 等分爲末每服五錢食遠服

人參黃耆補氣固衛當歸桂心活血生肌茯苓

麥冬清熱補肺遠志辛散專理癰疽

五味酸溫善收腫大。丹溪曰癰疽潰後補氣血

月半年之後虛證仍見轉成他病矣。

螻蛄散

治溼熱破爛毒水淋漓等瘡或下部腎

囊足股腫痛下部諸瘡無不神效

海螵蛸

不必浸淡

人中白

或人中黃礞砂亦可等分

爲細末先

以百草濃煎湯乘熱薰洗後以此藥溲之如乾者以麻油或熬熱豬油或蜜水調塗之若腫而痛甚者加冰片少許更妙若溼瘡膿水甚者加蜜陀僧等分或煨過官粉亦可

槐花蕊

治楊梅下疳神方

凡棉花毒或下疳初感或毒盛經久難愈用新

槐莢揀淨不必炒每食前用清酒送下三錢許
早午晚每日三服之服至二三升則熱毒盡去
可免終身餘毒之患亦無寒涼敗脾之慮此經
驗神方也

如不能飲卽用漿水鹽湯俱可
送之但不及酒送之功捷也

棉花瘡點藥

杏仁

取霜

真輕粉

等分爲末

敷瘡上二三日卽痂落

又武定侯方

雄黃

錢半

杏仁

三十粒去皮尖

輕粉

錢一

爲末以雄豬膽

汁調敷之二三日卽愈天下第一方

當歸補血湯加防風連翹方 治瘡瘍有血無膿

搔癢不止

有血無膿表氣不足也諸瘡屬虛虛者可補

當歸

防風

錢二

黃耆

錢五

連翹

錢二

當歸黃耆大補其氣血連翹解諸經之客熱防

風引歸者直達于表二物得之而効愈速也

此藥

服之數劑諸瘡化毒生膿膿滿毒盡則去病根而無溫癰之患○若膿日久不乾者去黃耆加

白朮茯苓以燥之如治爛痘之法則善矣

十全大補湯

治氣血虛弱頸面腹背皆瘡者

生于手足者爲輕生于頸面腹背者乃氣血虛羸之甚小人道長之象故宜大補

方見卷一上治氣門四君子湯附方

四君同黃耆以大補其氣四物同桂心以大補其血氣血得其補則腹背之瘡先愈而君子道長小人道消矣。參苓白朮散亦可酌用。見補養門

連翹金貝煎 治陽分癰毒或在臟腑胸乳肺膈

之間者此方最佳甚者速用數服無有不愈

金銀花 土貝母 蒲公英 夏枯草錢三紅藤

七八錢連翹一兩或五錢好酒二碗煎一碗服服後

煖臥片時 火盛煩渴氣腫者加天花粉 若

陽毒內熱或在頭項之間者宜用水煎

連翹歸尾煎 治一切無名腫毒丹毒流注等最

宜用之

連翹

七八錢

歸尾

三錢

甘草

一錢

金銀花

紅藤

四五錢

好酒煎服如前

如邪熱火盛者加槐蕊二

三錢

降癰散

治癰疽諸毒消腫止痛散毒未成者卽

消已成者斂毒速潰可愈若陽毒熾盛而疼痛

勢凶者先宜用此方其解毒散邪之功神効

若堅頑深固者用後方。

薄荷葉

新者

茅根

野菊花

連根葉各一握

土貝母

減半

右薄荷野菊乾者可爲末鮮者可搗爛同貝母研勻外將茅根煎濃湯去渣用調前藥末乘熱敷患處仍畱前剽湯頓煖不時潤於藥上但不可用冷湯冷則不散不行反能爲痛約敷半日卽宜換之真妙方也。

後方

凡疽毒堅頑深固及結核痰滯宜用此方。

生南星

土貝母

朴硝

等分

薄荷

用倍

石灰

風化者倍

用或再
倍用之

右同爲末用鹽酒杵稠粘敷患處經
宿乾則易之不必畱頭若膿成者畱頭亦可或
炒熱攤絹上隔絹貼之亦可或用麻油調或用
熱茅根湯調亦可若欲止痛速効加麝香或冰
片少許更妙

止痛當歸湯

總錄

治腦疽背疽穿潰疼痛

當歸

生地黃

芍藥

黃耆

人參

甘草

灸
官桂

當歸生地活血涼血人參黃耆益氣補中官桂

解毒化膿

毒化成膿則痛自止

芍藥和脾

酸以斂之

甘草

扶胃甘以緩之

則痛自減矣

齊得之日世人皆謂乳沒珍貴之藥

可住疼痛不知臨病制宜殊非一端熱痛涼之寒痛溫之風痛除其風溼痛導其溼燥痛潤之塞痛通之虛痛補之實痛瀉之膿鬱而閉者開之惡肉敗潰者引之陰陽不和者調之經絡閉澀者利之不可執一而無權也